

նալս մեր առաքելաբար ի վերա ձեր իշխանութիւն կապելոյ և արձակելոյ՝ յերկինս և յերկրի։ Չմեղուցեալսն զապրտամբեալսն յաւրինացն Աստուծոյ, և ի կանոնաց սրբոց հարցն՝ կըշտամբել և յանդիմանել, խրատել, սաստել, պատժել, մինչև ցուցանիցեն պըտուղս ապաշխարութեան։ Չզղջացեալսն և զհնազան(դ)եալսն՝ սիրովն Քրիստոսի ընդունել ապաշխարութեան։ Որով և դուք ամենեքեան, սիրելի որդիք իմ ի Քրիստոս, զաստուածապատիւ և զսըրբասէր առաքելաշնորհ արքեպիսկոպոսդ ձեր ըզՏէր Յոհաննէսդ, զիմ սիրելի և զհաւատարիմ որդիդ զպատվելի արքեպիսկոպոսդ ձեր՝ զսրբասէր այրդ, մեծավ պատվով և յոյժ սիրով ընկալարուք, իբր զորդի իմ սիրելի և որպէս զհրեշտակ Աստուծոյ և զառաքելական այր, զի յայսմ հետէ իմ յաւժարական հրամանաւ ինքդ Տէր Յոհաննէսդ է ձեզ զատիմի սեփական և պիսկոպոս և ոչ այլ ոք, որ է այր ընդիր։

Այլ և զամենայն կանոնեալ հաս և զիրաւունք՝ զոր պարտիք տալ Աստուծոյ՝ բաժին աթորոյ, զհաս տանց քահանայից և զամենայն ընտան(ե)աց նոցա, զերախայրիս կալոց և հնձանաց, զտերունականս և զսրբանուէրս, զիրաւունս մատաղաց կենդանաց և զանկարծամահից, և զամենայն իրաւունս կենաց և մահու, լիով անթերի տուք ի ձեռս զորա զըւարթ և առատ սրտիւ, որպէս զի զտուրս զուարթառատս սիրէ Աստուած։ Եւ մի ոք կամ մեծ և կամ փոքր՝ յանդգնաբար իշխեսցէ հակառակիլ սըմա կամ բարձր հրամանիս մեր, և արգելցէ յիրաւոնց տալոյ կամ խորեսցէ կամ յայլազգի անկանի և ուժ հասուցանէ Տէր Յոհաննէսիս՝ պատվելի արքեպիսկոպոսիդ։ Չի որ ոք հակառակ լիցի սմա՝ նայ այնպիսին առցէ յԱստուծոյ զանէծան Կայենի, զմասն Յուդայի և զխաչահանուցն, և մնացէ ի ներքոյ կապանաւք բարկութեանն Աստուծոյ և Սրբոյն Քրիստոսի և մեր։ Որով աւրհնեալքն ի յարժանայպատուեալ արքեպիսկոպոսդ ի Տէր Յոհաննէսէդ աւրհնեալ եղիցին յԱստուծոյ և ի մէնջ. կապեալքն և աւրոշեալքն՝ ի նմին մնացեն մինչև զղլսացին հնազանդութեամբ, և առցեն զարձակումս ի Տէր Յոհաննէսէ արքեպիսկոպոսէդ։

Վասն որոյ ի մտանել զորա և զրաւորական հրամանիս մերոյ առ ձեզ և սուրբ մեռոնիս, իջցէ և շնորհք ողորմութեանն Աստուծոյ յերկնից ի վերա ձեր եւթնպատիկ, և լցուցէ զձեզ ամենայն հոգևոր և մարմնաւոր բարութեամբ։ Բարձցէ ի ձէնջ զամենայն ցասումս և զպատուհաս և զտարածամահ ի ձէնջ և յաշխարհէդ ձեր։ Տացէ ձեզ շինութիւն անդորրութիւն և խաղաղութիւն. Բուսոց և տնկոց և ամենայն անդէոց ձեր այճողութիւն և քաջարեութիւն. Պաճարէղէն անասնոց ձեր անողալ ծննդականութիւն. և ամենայն բարեաց ձեր լիութիւն և առատութիւն. ննջեցելոց հանկիստ և ողորմութիւն։ Եւ աւրհնեացէ զձեզ զամենեսեան առ հասարակ հոգով և մարմնով Տէր Աստուած Յիսուս Քրիստոս։ Որպէս զի զառաւրեա կեանս ձեր բարիոք վայելելով, և երկնից արքայութեանն հանդերձ ձերաւք ննջեցելաւքն հասանիցէք ընդ ամենայն սուրբս, ի Քրիստոս Յիսուս ի Տէր մեր։

Շնորհեցաք և ի ձեռն զորա՝ ձեզ պարգևս հոգևորականս զեղն աւժութեան,